

唐昭陵石蹟考略

附謁唐昭陵記

隱
綠
軒
題
識



叢書集成

初編

商務印書館

叢書集成初編

(補印本)

唐昭陵石蹟考略及其他一種

一九三九年十二月初版
一九六〇年五月補印

商務印書館出版

上海虹口印刷廠印刷

本館據粵雅堂叢
書本排印初編各
叢書僅有此本

唐昭陵石蹟考略序

三山林子同人著昭陵石蹟考略語該而事核信收藏家之寶書也同人往隨尊甫敏子先生官三原匹馬短衣身行絕塞至賀蘭山而返及過昭陵撥草披荆討求故實一字未安輒徘徊竟日有生長其地所不能詳者此奇人奇事傳說無窮豈止君家霽山獨有千古哉康熙戊辰午日長汀同學弟黎士宏手識天地間有形之物惟金石爲最久故謀不朽者嘗託焉碑刻是也然金有時而鎔石有時而泐雄文妙筆收藏於好事之家不旋踵而烟雲變滅惟歐陽永叔趙明誠楊用修都元敬之流旣多得古刻又爲之訂譌纂異勒成一書而其傳始可久是則人賴金石以壽而金石又賴人而壽也未少學於顧甯人先生先生實甚好古行遊天下見聞浩博著金石文字記一書最爲精核未心慕焉年來足跡所至殘碑斷碣靡不搜訪披榛剔苔必揭一紙而後已顧海內同此好者甚希茲來閩中與林子同人吉人兄弟交幸二千里外有同心也二子侍其尊人宦遊秦中盡得漢唐諸石刻嘗裹糧策馬走謁昭陵徬徨墟墓之間行求古碑仆者起之昏者洗之一字必錄所得多昔人未見者歸而參伍史書考求故實爲昭陵石蹟考使千載以上之遺文舊蹟賴以不墜吾師而在猶當歎賞不置而況於余乎吉人生於秦長而與兄同好六書造妙爲世所重閩地晚通中州唐以前古刻甚少然李陽冰之篆忠懿王之碑至今完好自唐以後名賢接踵道山鼓山之題名石刻羅列如林其他名區勝地往往類是以二林子之才盍編錄而詳考焉彙爲

一編補集古金石二錄之所未備。不亦善夫。吾茲有望焉耳矣。康熙乙亥菊月上浣。松陵潘耒書於榕城寓舍。

歲甲寅三月。逆藩變起福州。遠近風靡。先大人忠毅。分守漳南。內外援孤。事無可爲。慷慨致命。闔門廿一口殉焉。予時十八。及三幼弟。父命無死。越兩月。播遷會城。僦屋與同兄居比鄰。同兄年倍於予。得以兄事之。其弟吉人。少予三歲。搶攘中。憂患疑畏。檠檠相依。每過從。見同兄日一帙不釋手。雖黃改抹。纂輯恆多。問曰。此何爲者。同兄曰。吾曩者侍親令渭北。西遊朔方。道出唐太宗昭陵。見其君臣陪葬之盛。流連再拜。旣而塞下歸。再窮歷覽。慨然遠想。太宗智勇天錫。弱冠百戰而有天下。從諫如流。身致太平。至於篤終恩。禮丘壠相望。尤爲後世所莫及。千載下。惟餘斷碣殘碑。後此更不可知。深恐蕪沒闕略。意欲研加考訂。蓋深有感於一時際會之隆。故殷殷不置也。予曰。唯唯。居三年。予濱危者屢。同兄閉戶。埴簞文史。然亦幾殆。迨王師底定。逆藩降服。予歸京師。蒙擢臺班。以三藩削平。分遣祭告古帝王名臣陵墓。戊辰□月閒。予以太僕卿賁中州之命。因得陟女媧之舊墟。底柱河流。三門震盪。洞駭心目。瞻畫卦之崇臺。樹木鬱蒼。廟宇清麗。蒼草生焉。嵒嵒二陵。風雨如晦。商中宗之享殿存焉。顧瞻河洛。王迹東遷。周平王之廟宇。斯在北邙。漢寢世祖光武廟。獨有塑像。老柏數株。周世宗陵在陳州。小培塿耳。宋藝祖以下七陵。背山面北。在羣僊閒。荒莽觸目。規制卑隘。及伊尹比干。子產。萇宏以下。唐宋諸名塚。咸在荒烟蔓草閒。不禁九原可作。吾誰與歸之嘆也。而狄梁公墓適報崩壞。予檄河南尹急加修治。墓有黃庭堅撰書碑文。未及摹揚。是時拜命。

卽行。以不及與同兄相聞。並轡三川。遨遊嵩嶺。爲恨事。又十年所。丙子夏。予得巡撫上江之命。恩賜先大人閩祠。御書忠毅流芳扁額。遣弟藏器。費捧入閩。懸之湖西忠祠。延同兄至幕。精神猶昔。而鬚髮則皤然矣。相與勞苦談艱難舊事。知吉人讀書山寺。書法洞精。有咄咄晉人之致。問向所爲昭陵考略者。安在。則出諸行笥。曰。吾蓋三易草矣。予展讀數回。竊嘆神聖迭興。一代有一代之君臣。一朝有一朝之制作。秦中古帝王州。同兄獨於唐昭陵。繫馬低徊不忍去。榛莽滅沒之餘。搜揚十六碑。裝成卷帙。雖殘缺。如見全文之藻麗。證據班列。全陵之氣象。森羅棋布。規模宏遠。舉夫內安外攘。立綱陳紀之廟謨。正主庇民。公忠體國之臣節。開國鴻猷。悉於是乎在。是可傳也。同兄何可終祕。上江統轄七郡。環疆數千里。古來名勝甚多。求其金石遺文。蝌蚪篆隸。無一存者。能不慨夫。請梓是篇。以公同好。而弁數語其端。康熙丁丑初夏。蓋州弟琳望陳汝器拜手題。

林同人先生。庚子歲。侍其尊人宦遊秦中。官舍暇日。遊唐太宗昭陵。著有石蹟考五卷。皮諸家塾。閱三十餘年。予丙子至閩。始及見之。其該核詳備。參以史乘。附以論贊。從前考昭陵者所未有也。陝西通志。於昭陵制度頗詳。但略於陪葬。且陪葬諸公。旣葬昭陵。又於各縣墳墓中互見。似有錯誤。顧亭林金石文字記。無諸番君王十四人像與石馬。皆不及同人。又余向於晉中見一抄本。所載墓之遠近完毀。碑之斷泐顛仆。一一細註。恨其時郵傳匆劇。未暇傳寫。使當日抄得。正可與同人參酌。蓋考古人碑板文字。必如同人親見之。方可傳信。若但據傳聞。未免失實。如晉祠有唐文皇御製碑。諸書所載。俱云碑陰有御書飛白大

字及予親見飛白大字乃碑額其陰上半刻護蹕諸臣下半皆北宋明初遊人題名又太原風峪石經柱一百二十條金石文字記□□齊朱太史有北齊石經記見竹垞文類其□□之傳徵君青主亭林因之及予觀其字中□□□□是金輪皇帝□□則此經應是則天□□□諸書如同人□□跡所到摩挲詳視然□□□安得有遺憾乎同人遊昭陵於庚子及辛未兩至其地當大饑之後化爲盜藪諸碑已不可問於跋語中深寄慨歎予弟在都偕姪振舉癸酉□月從延安歸述昭陵所見與同人正符爲報舊遊無恙知同人亦應色喜也因讀同人斯集附記之丙子五月祥符周在浚識

唐昭陵石蹟考略目錄

卷一

昭陵圖次 史乘參考 論贊

陪葬諸王公主妃嬪勳舊人數 史乘參考

文皇哀冊 史乘參考 論贊

昭陵見存陪葬諸臣十六碑目 史乘參考 論贊

卷二

房文昭公元齡碑圖記 史乘參考 論贊

李景武公靖碑圖記 史乘參考 論贊

薛獻公收碑圖記 史乘參考 論贊

馬高唐公周碑圖記 史乘參考 論贊

高文獻公士廉碑圖記 史乘參考 論贊

溫恭公彥博碑圖記 史乘參考 論贊

褚陽翟公亮碑圖記 史乘參考 論贊

卷三

孔憲公穎達碑圖記 史乘參考 論贊

李貞武公勣碑圖記 史乘參考 論贊

張尙書後允碑圖記 史乘參考 論贊

崔文昭公敦禮碑圖記 史乘參考 論贊

許勇公洛仁碑圖記 史乘參考 論贊

阿史那貞公忠碑圖記 史乘參考 論贊

豆盧定公寬碑圖記 史乘參考 論贊

乙速孤將軍行儼碑圖記 史乘參考 論贊

蘭陵長公主碑圖記 史乘參考 論贊

卷四

諸番君長突厥頡利可汗阿史那咄咄已下十四人侍立北闕石像圖記 史乘參考 論贊

卷五

御製六石馬贊圖記 史乘參考 論贊

唐昭陵石蹟考略卷一

昭陵圖次

昭陵居九嶷山中峯南向。涇遼其後。出其東。仲山。嵯峨。爲東障。梁山、闕

前獻殿。戟門。朱雀門。下宮。至陵十

後寢殿。北闕。元武門。門外五十里山北。陪塚一列三區。

又北太宗御製昭陵碑。歐陽詢書。今亡。

東青龍門。門外陪塚十三列。共六十一區。

西白武門。門外陪塚七列。共二十五區。

北闕。北向。西列石駿馬三。座刻馬

石琢番酋君長立像七。背刻官

北闕東列石駿馬三。座刻馬

石琢番酋君長立像七。背刻官

史乘參考

按唐史太宗語侍臣曰。漢家先造山陵。身復親見。又省子孫經營煩費。我深是之。我看九嶷山孤聳迴

絕有終焉之志。乃詔先爲此制。務從儉約。又慕漢之將相陪葬。貞觀十一年二月丁巳。詔曰。佐命功臣。義深舟楫。或定謀帷幄。或身摧行陣。同濟艱厄。克承鴻業。追念在昔。何日忘之。使逝者無知。咸歸寂寞。若營魂有識。還如疇曩。居止相望。不亦善乎。漢氏使將相陪陵。又給以東園祕器。篤終之義。恩深意厚。古人之志。豈異我乎。自今以後。功臣密戚。德業尤著。如有薨亡。宜賜塋地一所。及祕器。使其窆窆之時。喪事無闕。所司依此營備。稱朕意焉。二十年八月丁亥。詔曰。周室姬公。陪於畢陌。漢廷蕭相。附彼高園。寵賜墳塋。聞諸上代。從窆陵邑。信有舊章。蓋以懿戚宗親。類同本之枝幹。元功上宰。猶在身之股肱。哀榮之義。實隆終始之契。斯允。今宜聿遵故實。取譬拱辰。庶在烏耘之地。無虧魚水之道。今宜所司於昭陵南左右廂。封境取地。仍卽標識疆域。擬在葬所。以賜功臣。其有父祖陪陵。子孫欲來從葬者。亦宜聽允。至貞觀二十三年八月畢工。先葬文德皇后。太宗御製碑文。勅歐陽詢書。立石於陵後。文載於太宗實錄。宋趙明誠云。碑石已磨滅。其可見者。有云。無金玉之寶。玩用之物。木馬寓人。有形而已。欲使盜賊息心。存亡無異。言非不切至也。然竟不免溫韜之禍。自趙至今。復六百餘年。而石亦亡。惟鼇座存焉。歷觀古來陵寢。秦始皇陵。在臨潼縣。五十丈。漢茂陵十四丈。在興平。以昭陵視之。皆培塿也。大都昭陵之因九嶷。乾陵之因梁山。在乾州。秦陵之因金粟堆。在蒲城縣。皆踞中峯。有龍蟠鳳翥之勢。規模宏大。漢陵莫及也。

陪葬諸王、公主、妃嬪、勳舊百六十五人。

諸王、蜀王愔已下七王。

公主、清河公主已下三十一主。

妃嬪、越國太妃燕氏已下八嬪。

宰相、高唐公馬周已下十三人。

承郎、三品戶部尚書唐儉已下五十三人。

功臣、大將軍鄂國公尉遲敬德已下六十四人。

諸番君王石像、突厥頡利可汗左衛大將軍阿史那咄咄已下十四人。

史乘參考

按文獻通考所載陪葬昭陵諸臣姓氏獨詳。然終不滿百六十人之數。宋游師雄所刻昭陵圖記亦無百六十之塚。是知世遠年湮。事久莫稽。故考訂亦僅得其略而已。

唐太宗文皇帝哀冊

太宗以貞觀二十三年己酉五月崩。壽五十四。八月葬昭陵。哀冊爲中書令褚遂良撰書。按此玉冊。當在陵內。褚墨蹟別本。昔在太倉王氏。其刻於集帖中者。率未覩善搨。昭陵榛莽。殉葬蘭亭。盡出人間。況其他者乎。附葬諸臣碑版。侗從草壤中搜揚十六種。每種字僅存十之二三爾。

史乘參考

貞觀十年文德皇后崩先葬於昭陵帝念后不置苑中作層臺以望引魏徵同登徵熟視請曰臣目眩不能見帝指視之徵曰臣以爲陛下望獻陵若昭陵臣固見之矣帝泣爲毀臺魏公之愛君何其至歟夫獻陵在長安北百三十里苑中登臺而不見者以畢原爲之障也昭陵在長安西北百六十餘里苑中登臺而反見之者以九峻山高適當畢原盡處故可遠望而懷思也溫韜之發唐陵也昭陵最固韜從塹道下見宮室制度闕麗不異人間中爲正寢東西廂列石牀牀上石函函中爲鐵匣悉藏前世圖書墨蹟韜悉取之遂傳人間惟乾陵尤難開鑿惡風怪雨從陵中出韜懼而止嗟乎昭陵之工何以不及乾陵而太宗之英爽反出武后下哉

太宗崩於翠微宮舊將統飛騎勁兵從皇太子先還都大行御馬輿從官侍扈如常儀凡三日還宮發喪翠微宮去長安二百里

在麟遊縣山中

漢武帝亦崩於五柞宮

在鄠縣終南山下

蓋漢唐都關中離宮別館徧於畿輔

天子不常居禁中也唐建東都天子猶嘗巡幸宋都汴明都燕宮闕不出都城之內天子無馳騁之娛遊玩之所明憲宗欲遊海子宰臣持不可甚且天子欲謁天壽山祖陵廷臣恒怯沮止令跬步不出高拱深居不與士大夫相接而猶推柄國者以爲老成持重豈真漢唐諸卿相皆導其君以般遊哉亦時勢使然也文皇哀冊褚遂良奉勅撰書昭陵大法物也策文鏤之玉版藏之元宮溫韜盜發應與蘭亭俱出人間今世所傳石刻本未從考其所從來或河南公別書傳世如同州聖教序是也予家有善本以非陵石另裝一策冠十六碑之首卽太宗所云還如疇曩居止相望之意云爾

論贊

史稱太宗翦除隋亂。比迹湯武。致治之美。庶幾成康。諒矣。予過九嶷山。獨撫膺太息於陪塚之盛。以爲創業之君。保全功臣。聯屬一體。未有如斯之摯者也。嗚呼。壯哉。

唐昭陵陪葬諸臣十六碑目

據見存陵石。

大唐故左僕射上柱國太尉梁文昭公碑。

篆書四行。陽文。

唐故開府儀同三司尚書右僕射司徒衛景武公碑。

篆書五行。陰文。

唐故太常卿上柱國汾陰獻公薛府君之碑。

篆書四行。陰文。

大唐故中書令高唐馬公之碑。

篆書四行。陽文。

大唐尚書右僕射司徒申文獻公瑩兆記。

篆書四行。陰文。

唐故特進尚書右僕射虞恭公溫公之碑。

篆書四行。陽文。

大唐褚卿之碑。

篆書二行。陰文。

大唐上護軍曲阜憲公孔公碑。

續得。無額。依碑文首行。

大唐故司空上柱國贈太尉英貞武公碑。

篆書四行。陰文。

大唐故禮部尚書張府君之碑。

篆書三行。陰文。

大唐太子故少師中書令開府儀同三司并州都督上柱國固文昭公崔公碑。

篆書五行。陽文。

大唐故冠軍大將軍代州都督許公之碑。篆書四行。陽文。

大唐故右驍衛大將軍薛國貞公阿史那府君之碑

唐故特進芮定公之碑。篆書三行。陰文。

唐右武衛將軍乙速孤府君碑。續得。無額。依碑文首行。

大唐故蘭陵長公主碑。今隸三行。陰文。

史乘參考

按唐制三品以上得立碑。而元老大臣得請天子題額。其重若此。昭陵諸碑額。爲體不一。多從篆。獨褚亮碑額。書大唐褚卿之碑。篆筆兼隸。殊峭勁。爲太宗御題無疑。蘭陵長公主碑額。今正書。亦虬拔有致。崔敦禮碑額。稱大唐太子故少師。不敢以故加太子之上。甚當乎辭。上十六碑。凡有額者十四。皆親揭也。惟孔憲公及乙速二石缺額。乙速墳在陵後五十里。最遠。大抵古碑多漫滅。若非額。何從辨其人耶。趙子函云。尉遲敬德碑。無字而額存。今遍覓未見。蓋碑搨之難。莫如墓碣。荆榛荒莽中。裹飯以從。霾風裂日。工無所施。高須架土。須掘。僵仆者須起。無怪其傳者寥寥也。

論贊

士固有蘊五百之奇才。而不見用於世者。蓋亦多矣。房、薛、高、唐諸公。獨能乘風雲而依日月。保有功名。乃若篤終禮葬。不但高塚麒麟。穹碑最鳳。而且分寢園之地脈。共松柏之天風。君臣之誼。疇曩無忘。尤

卓越千古也。歷千五百餘年。金石難壽。而此十六碑者。尙得與三峯八水流峙人間。世知貴重。諸公又何多幸歟。